

“Ботаника” курсы бойынша лабораториялық сабактарының әдістемелік нұсқаулары

КІРІСПЕ

Лабораториялық сабактардың мақсаты - Қазіргі заманғы білім және ботаника жетістіктері негізінде студенттерді өсімдіктердің құрылымының, өсу және дамуының негізгі заңдылықтарымен таныстыру. Студенттер өсімдік клеткалары мен ұлпаларының, тамыр және өркендер жүйесінің морфологиясы және анатомиясы сонымен қатар өсімдік генеративті мүшелерінің құрылыштық ерекшеліктері туралы мәләметтер алуы тиіс.

Пәнді оқыған студенттердің білуі керек:

Өсімдік мүшелерінің анатомиялық және морфологиялық құрылымын, құрылымның атқаратын қызметіне тәуелділігін, филогенездегі өсімдіктің жетілу белгілерін және себептерін, пәнге қатысты терминдерді және түсініктерді.

Студенттер өсімдіктердің морфологиялық эволюциясының басты бағыттарын, көбею мен ұрпақ жалғастырудың биологиялық негізін (мәнін) олардың жастиқ және маусымдық езгерістерін білу қажет.

Алған білімінің нәтижесінде студент өсімдікті морфо-анатомиялық түрғыдан зерттеп оған толық морфологиялық сипаттама бере білуі керек.

Ботаниканы білу үшін студенттерге қажетті пәндер тізімі:

Орта мектептегі ботаника және жалпы биология.

Пәннің басқа пәндермен байланысы, «Структуралық ботаниканы» дербес ғылым ретінде, өсімдіктер құрылышының жекелей және тарихи даму барысында, өзгергіштігін зерттеумен қатар, ботаниканың басқа салалары-өсімдіктер систематикасын, Өсімдіктер географиясын, физиологиясын, және т.б. оқып білуге біртұтас терминдерді қалыптастыру қажет. "Структуралық ботаника" пәні "Биология" мамандығының күндізгі бөлімі 1 курс студенттеріне арналған.

Лабораториялық сабактың мазмұны (30 сағат)

Сабак № 1. Микроскоптың құрылышы және онымен жұмыс істеу тәсілдері. Өсімдіктер клеткасының құрылышы мен сырт бейнесі. (2сағат)

Мазмұны: Микроскоп туралы жалпы түсінік. Микроскоп құрылышының ерекшеліктерімен танысу.

Сабактың мақсаты: Микроскоп құрылышын біліп, іске қосып, онымен жұмыс істеудің негізгі ережелерімен танысу

Материалдар: Қарағай, мальва және қырықбуын өсімдіктерінің «тозаң дәндері» мен папоротниктердің сорустағы споралары (жыныссыз көбеюге арналған клеткалар).

Реактивтер: лактофенол, су.

Тапсырма: 1. Микроскоп құрылышымен танысып, онымен жұмыс істеуді үйрену.

2. Жоғарыдағы көрсетілген (2 – сурет) қарағай, мальва, қырықбуын тозаң дәндерін құрғақ ауалық ортада, суда және лактофенолда салыстырмалы түрде көре отырып, суретін салу қажет.

3. Усасыр сорусынан уақытша препарат жасап, спораларын көре отырып, суретін салу.

Әдебиеттер: Мухитдинов Н.М., Бегенов А.Б., Айдосова С.С. шығарған оқу құралының "Өсімдіктер морфологиясы мен анатомиясының практикумы". Алматы. Из-во КазГУ, 1994. 7-21 беттерінде келтірілген талапқа сәйкес жұмыс жасалуы керек.

Сабак № 2. Пластидтер, клеткадағы қорлық және қалдықты заттар. 2 сағат

Мазмұны: Пластидтер туралы түсінік. Олардың типтері, химиялық құрамы, шығу тегі

Сабактың мақсаты: Пластидтердің және клеткадағы қорлық, қалдықты заттардың түрлерімен танысу.

Материалдар: Спирогираның тұрақты препараты (хромотофорлар), традесканция жапырағы (хлоро - лейкопластар), шетен ағашы мен итмұрын жемістері (хромопластар), картоп түйіні, пияз қабықшасы мен бегония жапырақ сағағы.

Реактивтер: Иодты калийдегі иод ерітіндісі, этил спирті.

Тапсырма: 1. Даляр препарат бойынша микроскоп арқылы спирогира хромотофорларын суретке салу қажет.

2. Традесканция жапырағының төменгі эпидермалық қабатын колмен сыйдырып, микроскоппен көре отырып, бірнеше эпидермалық клетканың лейкопластины, хлоропластын және устицаның түйістіргіш клеткаларын көрсете суретін салу қажет. Клеткаларда ядро мен цитоплазманы көрсету.

3. Шетен ағашы мен итмұрын (немесе помидор) жемістерінің ұлпасын су тамшысында ұсақтай отырып, хромопластарды суретке салу.

4. Пияз қабықшасынан, бегония жапырақ сағағынан шоғырланған, жәй құрамдағы анорганикалық кристалдарды көрсетіп, суретін салу.

5. Картоп түйінінен крахмалдың, жәй, жартылай және күрделі дәндерінің құрылыштық ерекшеліктерін көрсете суретке салу.

Әдебиеттер: Оку құралының 21-25 беттерінде келтірілген талапқа сәйкес жұмыс жасалуы керек.

Сабак № 3. Тұзуші және жабындық ұлпалар. 2 сағат

Мазмұны: Өсімдіктердің ұлпа құрамдарының, құрылыштық ерекшеліктерімен танысу.

Сабактың мақсаты: Өсімдіктердің өсу тәбесінің құрылышы мен тұзуші (меристематикалық) ұлпа клеткаларының және жабындық ұлпа құрамдарының, құрылыштық ерекшеліктерімен танысу. Бірінші және екінші жабындық ұлпалар, эпидермистің корғаушы қасиетін арттыратын құрамдары (балауызды, тұкті, жылтыр қабаттары), устьицаларды, чечевичканы (жасмықшаны) белгілеу.

Материалдар: Герань жапырағының, ыргай бұтағының және әлодея өсімдігінің өсу тәбесін тұрақты препараттары, жиде, аюқұлақ өсімдіктерінің құрғақ жапырақтары, әлодея өсімдігі.

Тапсырма: 1. Әлодея өсімдігінің өсу тәбесінің сыртқы құрылышын анықтау (төменгі жапырақтарын біртіндеп жұла отырып, өсу тәбесін ашу қажет). Өсу тәбесінің тұрақты препаратын көре отырып, тұзуші ұлпа клеткаларының ерекшеліктерін ескере, суретке салу.

2. Геран өсімдігінің тұрақты препаратын көре отырып, эпидермис клеткаларын, оның тұқтерін, устьице құрамдарын, оның түйістіргіш клеткаларындағы хлоропластарға көніл аудара отырып, суретін салу.

3. Жиде (лох), аюқұлақ (коровяк) жапырақтарының сыртқы түгін ұста арамен немесе ине ұшымен қырып алып, кіші объективпен көріп, тұктің ерекшеліктерін көрсете суретін салу (тарамдалған, жұлдызыша күрделі түкшелер).

4. Ыргайдың (бузина) даяр препаратынан, екінші дәрежелі жабындық ұлпа – перидерманың құрылышын, жасмықшаның (чечевичканың) суретін салу.

Әдебиеттер: Оку құралының 27-31 беттерінде жазылған талаптарға сәйкес жұмыс жасалуы керек.

Сабак № 4. Арқаулық және өткізгіш ұлпалар 2 сағат.

Мазмұны: Өсімдіктер денесінде арқаулық ұлпалардың орналасуымен және олардың ерекшеліктерімен білу.

Сабактың мақсаты: Өсімдіктер денесіне (бойына) беріктік беретін арқаулық ұлпалардың түрлерімен танысу.

Материалдар: Зығыр, кенепшөп, қырлышөп, жүгері, қара бидай, жалбыз сабактарының тұрақты препараттары, піспеген алмұрт жемісі.

Тапсырма: 1. Зығыр, бұйдақендір және кенешшөп сабактарының препараттарының (көлденең кесіндісі) талшық топтарынан оның жекелеген клеткаларының

қабықшаларының қалындау ерекшеліктерін көрсете суретін салу (жоғары көрсеткішті объективпен).

2. Қырлышөп, жүгері және қара бидай сабағының препараттарынан (көлденең кесіндісі) жекелеген склеренхималық клеткалардың суретін салып, қабықшаларының қалындау ерекшеліктерін көрсету.

3. Жалбыз сабағының препараттарынан колленхиманың бірнеше клеткаларын суретке салып, олардың ішкі қабыргаларының қалындау түрлерін белгілеу.

4. Алмұрт жемісінің өзегінен 2 – 3 склеридті иненің ұшымен заттық шыныға салып, микроскоп арқылы олардың ішкі құрылышын (бірінші, екінші дәрежелі қабықтарын, санлау каналдарын, клетка аралығын көрсетіп) суретке салу.

Әдебиеттер: Оку құралының 31-43 беттерінде жазылған талаптарға сәйкес жұмыс жасалуы керек.

Сабақ № 5. Қос және даражарнақтылар тұқымдары мен өскіндерінің құрылышы 2 сағат.

Мазмұны: Ұрық және тұқым туралы түсінік

Сабақтың мақсаты: Тұқым құрамындағы ұрықтың өсімдік негізі екендігіне көз жеткізу. Қос және даражарнақтылар дәндері мен өскіндерінің, тамырларының өзара құрылыштық ерекшеліктерін анықтау.

Материалдар: бидай, бұршақ тұқымы мен күнібұрын өсірілген өскіндері. Бидай, арпа немесе сұлы, жүгері дәндерінің тұрақты препараттары (анатомиялық).

Тапсырма: 1. Даражарнақты бидай немесе сұлы және жүгері дәндерінің сыртқы құрылышының суретін салып, оның өзара ерекшеліктерін көрсету қажет.

2. Анатомиялық тұрақты препараттарды микроскоппен көріп, бидай не сұлы дәндерінің ішкі құрылышы көрсете суретін салу. Коніл қоятын құрамдар: қалқанша (тұқым жарнағы), колеоптиль, колеориза, эпилласт, өсу төбесі және жапырақ негіздері.

3. Қосжарнақтылар: лобия немесе майкене дәндерінің сыртқы және ішкі құрылыштарының ерекшеліктерін көрсетіп, суретін салу.

4. Бидай, жүгері және бұршақ өскіндерінің морфологиялық құрамын және тамыр түрлерін көрсету.

Әдебиеттер: Оку құралының 44-51 беттерінде жазылған талаптарына сәйкес жұмыс жасалуы керек.

Сабақ № 6. Тамырдың анатомиясы және морфологиясы 2 сағат.

Мазмұны:

Сабақтың мақсаты: Жас тамырдың ұшындағы аймақтармен танысу және тамырдың алғашқы, соңғы құрылышына тән анатомиялық ерекшеліктерін анықтау, олардың элементтерінің орналасу тәртібін білу.

Материалдар: бидайдың өскіндерінің тамыр ұшы және ирис, асқабақ, жәке тамырларының препараттары.

Тапсырма: 1. Тамыр ұшының препаратынан, тамыр аймақтарының құрылышын суретке салу.

2. Тірі тамырдың ұшын «басылған», уақытша препаратта көріп суретке салу.

3. Ирис тамырының препаратын микроскоппен көре отырып, оның анатомиялық алғашқы құрылышының ерекшеліктерін, орналасу ретін көрсете суретін салған жөн.

4. Асқабақ тамырының қайта өсуінің анатомиялық ерекшеліктерін анықтап, ұлпалардың орналасу реттілігінің жоба суретін салу.

Әдебиеттер: Оку құралының 51-57 беттерінде жазылған талаптарына сәйкес жұмыс жасалуы керек.

Сабақ № 7. Өркен және өркендер жүйесі. Өркен морфологиясы. Бүршіктөртінген түрі және гүлшоғы. 2 сағат

Мазмұны:

Сабақтың мақсаты: Өркен морфологиясын, оның бұтақтануын, бүршік құрылышын және олардың түрлерін талдау. Ерекше өркендер жүйесі – гүлшоқтарының түрлерімен танысу.

Материалдар: жөке (липа), ак қайың (береза), қарағай (сосна), сушырмауық (плаун) гербарийлері және алма, сирень бүршіктері.

Тапсырма: 1. Жөке өркенімен танысып, оның құрам бөліктерінің суретін салып және оның буындарын, буынаралықтарын, бүршіктерін көрсете қажет.

2. алма, сирень бүршіктерін ұзынынан кесіп, биноқулярлы лупамен оның сабакты бөлігін, жапырақ жүрнақтарын және ғұлшоғырын көрсете қажет.

3. Өркеннің дихотомиялық (су шырмауығы), моноподилі (қарағай) және симподилі (жөке) бұтақтану түрлерін суретке салу.

4. Берілген гербарийлерден шоқпарбас, шашақ, собық, масақ, шатыр, сыпыртқы, себет ғұлшоқтарының суретін салу.

Әдебиеттер: Оқу құралының 57-65 беттерінде жазылған талаптарына сәйкес жұмыс жасалуы керек.

Сабак № 8. Қосжарнақты және дара жарнақты шөптесін өсімдіктердің сабактарының анатомиялық құрылышы мен орталық шеңбердің (Стелдің) эволюциялық дамуы. (2 сағат)

Мазмұны:

Сабактың мақсаты: Қос және даражарнақты өсімдіктер сабағының алғашқы және соңғы анатомиялық, құрылыштарымен танысып, ерекшеліктерін анықтау. Орталық шеңбердің эволюциялық дамуымен танысу.

Материалдар: Жоңышқа, купена, қара бидай, жүгері және рдестің (су өсімдігі) сабактарының препараттары. Систематикалық әртүрлі топтағы өсімдіктердің (селагинелла, су шырмауығы, жүгері немесе купена, усасырдың) сабактарымен тамырсабағының кесінділері.

Тапсырма: 1. Сабактың алғашқы анатомиялық құрылышымен таныса отырып, жоңышқа сабағының құрылышының жоба суретін салу.

2. Жүгері сабағының құрылыштық жобасын, оның жоңышқадан айырмашылығын көрсете суретін салу.

3. Суреттерді салу барысында шоқты, шоқаралық камбийге мұқият зер салған жөн.

4. Купена сабағының құрылыштық ерекшеліктерін көрсете отырып, суретін салу керек (эпидермисін, алғашқы қабатын, орталық шеңберін, перицикл қатарын, өткізгіш шоқтарын көрсеткен жөн).

5. Жүгері сабағынан, оның перициклін склеренхимальық шеңберін, коллатералды жабық өткізгіш шоқтарын, оның жекелей құрылыштық ерекшеліктерін көрсете қажет.

6. Қара бидай сабағының құрылыштық жобасын суретке сала отырып, бұның жүгері, купена сабактарынан құрылыштық айырмашылығын анықтау.

7. Су өсімдігі рдестің құрылыштық ерекшеліктерін суретке сала отырып, жақсы дамыған алғашқы қабатын, ауалық кеңістіктерін (аэренохиманы) орталық шеңбердегі өткізгіш шоқтардан ерекшеліктерін көрсету.

8. Ең қарапайым протостельді селагинелла препараттарынан алғашқы ксилема мен флоэманды орналасуын көрсетіп суретке салу керек.

9. Плектостелді – плаун препаратынан; өткізгіш ұлпа мен өткізгіш шоқтарының орналасуын көрсетіп, суретке салу қажет.

10. Полициклді диктиостелді усасырдың тамырсабағынан шеңберлі жабық өткізгіш шоқтардың орналасуын белгілең, суретке салу керек.

11. Жоңышқа сабағынан әустелді, яғни ашиқ орналасқан коллатералді өткізгіш шоқтарды көрсете суретке салу.

12. Жүгері сабағынан атактостелді суретке сала отырып, коллатералды жабық өткізгіш шоқтардың сабакта орналасуын көрсету. (24 – сурет, 1 - 7).

Әдебиеттер: Мазмұны: Оқу құралының 77-84 беттерінде жазылған талаптарына сәйкес жұмыс жасалуы керек.

Сабак № 9. Қосжарнақты ағаштар және ашықтұқымды қылқан жапырақты өсімдіктер сабағының анатомиялық соңғы құрылышының ерекшеліктері. (2 сағат)

Мазмұны:

Сабақтың мақсаты: Ағаштардың 2 – 3 жылдық сабактарының (бұтақтарының) анатомиялық, күрделі құрылышымен танысып, шөпті өсімдіктерден бұлардың құрылыштық ерекшеліктерін ажырату.

Материалдар: 2 – 3 жылдық ағаш сабағының көлденең кесіндісінің препараттары (жөкенің, қарағайдың, шыршаның және ыргайдың).

Тапсырма: 1. Жөке сабағының препараттарынан оның құрылышының жоба суретін салып, құрылыштық ерекшеліктерін: бірінші, екінші, қабаттар, орталық шеңбер, жылдық сақина, бірінші, екінші дәрежелі өзектік сәулелер, перимедулярлы аймақты көрсету қажет. Мұқият түрде екінші қабаттың құрамды элементтерімен жете танысқан жөн.

2. Қарағай және шырша бұтақтарының анатомиялық құрылышының ерекшелігімен таныса отырып, олардың өзара айырмашылығын көрсетіп, суретке салу қажет.

3. Өте мұқият қарай (салыстыра) отырып, қарағай бұтақтарының анатомиялық құрылышының қосжарнақты ағаш бұтақтарынан айырмашылығын табу керек.

Әдебиеттер: Оқу құралының 84-88 беттерінде жазылған талаптарына сәйкес жұмыс жасалуы керек.

Сабак № 10. Жапырақ морфологиясы және анатомиясы 2 сағат.

Мазмұны:

Сабақтың мақсаты: Жапырақ морфологиясы, жапырақ құрамдарымен, олардың жіктелуі (жәй, күрделі, бүтін, тілімделген), оның өткізгіш шоқтарының тарамдалуы және басқа да морфологиялық белгілерімен танысу. Қосжарнақтылар мен көпжарнақтылар жапырақтарының анатомиялық құрылышымен танысу.

Материалдар: Түрлі өсімдіктер жапырағының гербарийлері, даяр препараттар: қарағайдың қылқаны, камелия өсімдігінің жапырақ тақтасы.

Тапсырма: 1. Берілген гербарийлерді көре отырып, жапырақ құрамдарын көрсете суретін салу (жапырақ табақшасы, сағағы, қосалқы жапырақ, қынапшасы, тілшесі және басқа морфологиялық белгілері).

2. Жәй жапырақ табақшаларын суретке сала отырып, олардың табақшасының сырт пішінің бекінуі мен жүйкеленуін көрсете (тартар, бақажапырақ немесе иманшөп, қамыс, табиги жоңышқа, қалақай, шегіршін өсімдіктерінің жапырақтары).

3. Күрделі жапырақтардың суретін салу керек (бұршақ, сочевичник т.б. өсімдіктердің жапырақтары).

4. Камелия жапырағының құрылышымен таныса отырып, олардың ұлпаларын, жоғарғы және төменгі эпидермис клеткаларының ерекшеліктерін, усътициларының орналасуын көрсете суретін салу қажет.

5. Қарағай қылқанының құрылышы ерекшеліктерімен танысып, қатпарлы (складчатый) мезофилін, трансфузионды паренхима клеткаларын, өткізгіш шоқтарын, шайыр (смола) каналдарын және склеренхиманың орналасу тәртібін көрсете, суретін салу.

Әдебиеттер: Оқу құралының 70-77 беттерінде жазылған талаптарына сәйкес жұмыс жасалуы керек.

Сабак № 11. Үрпақ шығыру және көбею тақырыбынан семинар сабағы. (2сағат)

Мазмұны:

Сабақтың мақсаты:

Материалдар:

Реактивтер:

Тапсырма:

Әдебиеттер: Оқу құралының 91-104 беттерінде жазылған талаптарына сәйкес жұмыс жасалуы керек.

Сабак № 12. Гүл құрылышының жалпы заңдылығы. Аталық тозандану. (2 сағат)

Мазмұны:

Сабактың мақсаты: Спиртте немесе формалинде тұрақталған, тапсырмада көрсетілген есімдіктер гүлдерінің құрылымдық заңдылықтарын анықтау керек.

Материалдар:

Тапсырма: 1. Тапсырмада берілген тұрақталған немесе гербарий арқылы пион және кувшинка гүлдерінің құрылышымен таныса отырып, бұлардағы гүл аталығының күлтеге және жапырақ пен гүл тостағаншасының бір – біріне ауыса өту аралық формасын суретке салу қажет.

2. Лалагүл немесе тозандығы біршама ірі аталықты гүлдің тозаң қабын ыргай өзегіне қыстыра, өткір алмаспен жұқа кесінділер жасау қажет. Тозандық кесінділерін тамшы суға орналастырып, жабындық шынымен жабу керек. Объектілер болмаған жағдайда тұрақты препаратты пайдаланады. Кесінділерді жоғары көрсеткішті объективпен көре отырып, тозаң қаптың, тозаң ұяларының құрлысын (эпидермис, фиброзды, эндотеций, тапетум қабаттарын, ұяралық дәнекерді, жекелеген тозанды) көрсете суретін салу керек.

3. Құрделі гүлділер өкілі құнбағыс гүлдерінің құрылышымен танысу арқылы, шеткі жыныссыз, қос жынысты ортадағы түтік гүлдерінің құрамдық ерекшеліктерін жекелей көрсете отырып, суреттерін салу қажет.

4. Бұршақ және қалампыр гүлдерінде бір шеңберде және әр түрлі шеңберлерде орналасқан гүлдің мүшелерінің бірігіп кетуін табу керек.

5. Жоғарыда қаралған есімдіктердің гүлдерінің актиноморфты не зигоморфты екендігіне көніл аудару қажет. Гүл құрамдарының қызығалдақ, сарғалдақ, қызылша, бұршақ түрлерін, даражынысты есімдіктерді – тал, асқабақ гүлдерінің суретін салу қажет.

Әдебиеттер: Оқу құралының 104-109 беттерінде жазылған талаптарына сәйкес жұмыс жасалуы керек.

Сабак № 13. Аналықтың, тұқымбұрдің құрылышы. Гүлдің диаграммасы мен формуласы. (2 сағат)

Мазмұны:

Сабактың мақсаты: Аналықтың, тұқымбұрдің құрам бөліктерін, құрылышын білу. Әртүрлі гүлдердің формуласын және диаграммасын құрастыру.

Материалдар: Лалагүл аналығының даяр препараты, әртүрлі есімдіктердің гүлдері (гүлкекіре, көкпек, тал, тегеурінгүл, уқорғасын, тауқалакай, құнбағыс, құнгелді, сарғалдақ).

Тапсырма: 1. Даяр препараттан немесе сабаққа арналған объектілерден аналықтың кесіндісін (ұзыннан), тұқымбұрдің құрылышын (интегументің, тозаң санлауын, нүцеллусін, ұрық қалтасын, халазасын және ұрық аяғын) көрсете суретін салу керек.

2. Ұрық қалтасының құрылышын (жұмыртқа клеткасын, қос синергидің, антиподтарды, орталық клеткасымен оның дамуы – мегаспорогенездің (плакат бойынша) жоба суретін салу керек.

3. Гүлкекіре, көкпек, тал, тегеурінгүл, бәрпі немесе уқорғасын тауқалақай, құнбағыс, құнгелді, сарғалдақ және т.б. есімдіктер гүлдерінің диаграммасын, формуласын құрастыру және олардың жобасын суретке салу. Бұл тапсырмалар арнаулы лупа арқылы орындалады.

Әдебиеттер: Оқу құралының 110-114 беттерінде жазылған талаптарына сәйкес жұмыс жасалуы керек.

Сабак № 14. Гүл шоғыры оның биологиялық маңызы: (2 сағат)

Мазмұны:

Сабактың мақсаты:

Материалдар:

Реактивтер:

Тапсырма:

Әдебиеттер: Оқу құралының 65-70 беттерінде жазылған талаптарына сәйкес жұмыс жасалуы керек.

Сабак № 15. Жемістер (2 сағат)

Мазмұны:

Сабактың мақсаты: Студенттер тақырыппен танысу барысында жемістердің жіктелу негізін мына белгілері арқылы ажыратуды менгеру керек: гинецей түрлері, жемістің қалыптасуына жеміс серігі мен басқа да гүл құрамдарының қатысы, тұқымның саны, олардың жұмысақ – қаттылығы, дәндеуі.

Материалдар: Әртүрлі өсімдіктердің жемістері: желайдардың, таңқұрайдың, шиенің, меңдуананың, үйеңкінің, еменнің, лимонның, алманың, күнбағыстың, қарақаттың, қиярдың.

Тапсырма: 1. Гүлдің жоғары апокарпты гинецейден дамыған құргақ жапырақты – құнгелдіден, көп тұқымды буынды жемісті – тынтықтан, дара дәнді жаңғақшаны – желайдардан, шырынды көпсүйекті жемісті – таңқұрайдан, дара сүйекті жемістерді шиеден анықтау.

2. Гүлдің синкарпты гинецейінен дамыған тәменгі жатынды құргақ қорапшаны меңдуанадан, қосқанатты жемісті үйеңкіден, құргақ тәменгі жатынды қостұқымды қызылбояудан, жаңғақты шекілдектен (орман жаңғағы), еменнен және шырынды жоғары жатынды – померанецтан, лимоннан, жидекті помидордан, шырынды тәменгі жатынды жидекті – ұшқаттан, жалған жемісті – алмадан талдау.

3. Паракарпты гүлдің сыңар ұялы гинецейінен дамыған құргақ жоғары және тәменгі жатынды бүршаққыншаны – яруткадан және астықтардан, тұқымды – күнбағыстан, қорапша – қоңыраубастан, шырынды тәменгі жатынды жидекті – қарақаттан, асқабақтан, қарбыздан және қиярдан анықтау.

4. Дара ұялы лизикарпты гинецейлі гүлден дамыған құргақ қорапшаны – примуладан, тұқымды – қарамықтан талдау.

Әдебиеттер: Оку құралының 114-118 беттерінде жазылған талаптарына сәйкес жұмыс жасалуы керек.

Аға оқытушы Ахтаева Н.З.

Ассистент Мамурова А.Т